

17 Victoria Jugurtha de A. Albino, auri Africani cupidus, ann. V. C. 645. ubi Philipp. Briet. inquit: A. Albinus Proconsul, in castris relicto fratre; statim in eunte Januario, copias eduxit ad urbem Suthul, in qua regis thesauri latebant: verum inde abstractus à Jugurtha, & in loca periniqua compulsus, sub jugum missus, intra decem dies ex Numidia præceps ejicitur; quin frater ejus P. Albinus posset abolere ignominiam, propter militis solutissimam disciplinam. Jugurtha auro corruperat Senatores, sicut in morte Adherbalis, ut sibi ejus cederet Numidiæ regnum: tuncque Calpurnius Bestia pacem cum Jugurtha injussu populi & Senatus fecit (ait Liv. lib. 64.) Jugurtha fide publicâ evocatus ad indicandum consiliorum auctores, quos multos pecuniâ in Senatu corrupisse dicebatur; Romam venit propter cedem. Roma cum periclitaretur, causam captis dicere iussus, clam profugit, & discedens urbe, fertur dixisse: O urbem venalem, & certò perituram, si emptorem inveniret! A. Postumius legatus infeliciter prælio adversus Jugurtham gesto, pacem ignominiosam adiecit; quam quidem minime esse servandam Senatus censuit.

18 Anno primo Xerxis expeditionis in Græciam, & V. C. 273. Celanis in Phrygia occurrens Pythius Lydus, urbis illius civis, Regem Persarum cum toto exercitu magnificentissimo suscepit hospitio: sponditque, se pecuniâ ei in bellum gratis suppeditaturum. K. Græc. Refert Majol. 1. Colloq. 19. & fusè Herodot. 7. à n. 12. Expavit Xerxes, sed renuit oblata (quorum summam apud eum ibid. videris) Nihilominus tamen titulo Amici Regis honestavit (quod gloriosum inter Persas) & gloriâ regis hospitii cujus decoris numquam poeniteret. An ita, videbimus 24. Mart. n. 22.

19 Unde tot ei opes, variæ AA. sunt sententia. Ejus cumulum seu potius gazas, & originem, refert Plutarch. de Virtutibus Mulier. n. 26. Pythij, qui regnante vixit Xerxe, uxorem sapientem fuisse, ait: virum in sensum adduxit, qui totus, cum invenisset aurifodinas, in aurum tantum incumbere, assidueque versabatur; quo studio cogebat cuncta, vel quæ ad vitam necessaria, relinquere, subditis omnibus opere fatiscitibus. Questus questus generavit, sed uxor Pythij ingeniosa compescuit, aurificibus commendans, ex aurea massa panes aureos, poma, & alia edulia ad speciem conficere. Factum est: illique vesculo ad cœnam venienti, & postulanti; cuncta ex auro apposita, sed nihil quod mandare quiret. Phytus pri-

mum ingenio & aspectu lætus, cum nihil aliud in refectioem videret, iracundiâ percitus vociferabatur esurire: cibum, non aurum exposcere. Uxor respondit, cives vexatione auri fodiendi, agros colere non potuisse, nec greges pascere: quapropter quid agendum videret; quandoquidem ejus insatiabili avaritiâ, & fame auri, fame peribant cuncti. Oratione uxoris motus Pythius, non proorsus opus reliquit; sed quintam civium partem ad aurifodinas dedicavit, & reliquos in agriculturam. Hinc Pythij Thesauri & opulentia, queis vel laudans invidit Xerxes, & possidenti attulerunt extremas amaritudines. Eadem referunt Erasmus in Apophth. lib. 8. n. 22.

20 Malè Pythio celsit animi singularis generositas munifica. Non ab similia perperavit Menander Protagoræ pater, qui ex dono duntaxat nactus, quod filius ejus potiretur discipulatu Magorum, intercessione, seu facultate Regis; quoniam haud facile in illorum exteri admittebantur disciplinam. Meandrum Protagoræ patrem, adeo opulentia & omnifariâ rerum copia præcelluisse, scribunt ex Græcis nonnulli (excerpit Rhodigin. 19. cap. 17.) ut Xerxes Persarum Regem, à quo mox Græcia concussa est; & domo & donis excipere ausus sit: qua occasione illi insinuat, Protagoræ filio Magorum congressum impetravit, quando Persarum Magi in doctrina participatum non temerè quemquam, nisi jussu Regum admittunt. Ex horum dogmatibus quid fugere quibat, nisi Atheismum? Ipse enim dixit in exordio libelli cujusdam (qua de causa proscriptus ab Atheniensibus) De Dijs urum sunt, an non sint; nihil habeo dicere. Quis & qualis fuerit, dicit Philostrat. 1. de Vitâ Sophistar. & Diogen. Laërt. lib. 9. de Vir. & morib. Philosoph. de quo ibi: Cecropis urbs potuit, potuisti Palladis urbem Linquere, non potuit Styx violenta fugi.

DIES VI. JANUAR.

I Grad. 16. Solis in Capricorno. VIII. Id. Hic gradus si invenitur in Horizonto, natos facit nanos, deformes & ridiculos. Jul. Firmic. Mamer. Manè oritur sinister humerus Aquarij & axilla Sagittarij. Alsted. Uran. Lyræ, seu Fidicula oritur: tempestatem significat. K. V. & Ovid. v. 315. Obstiterint imbres missi nisi nubibus atris, Nova signa dabunt ex oriente Lyræ. Aquila vesperè oritur: flat Auster. Ptolom. Vir equitans equo sine freno. Spher. Arab. Na-

cæna aurea ab ejus uxore excogitata.

Xerxis hospitium apud Meandrum.

Protagoras in disciplina Magorum.

Quia Atheus, Atheus proscriptus.

Laert.

Ovid.

Victoria Jugurtha.

Ejus judicium de Senatu & civibus.

Concordiam Pythij exhibitum Xerxi.

Unde ejus opes?

Natus tunc sine potestate. Joseph. Scalig. in 5. Manil. Regna & epula in multos dies exercentur. K. P. R.

2 Abraham post quadriennium à morte Saræ, speciali Dei intuitu, quippe à Domino promissum: Eris pater multarum gentium. Genes. 17. 4. aliam duxit uxorem nomine Ceturam. R. Abrah. & Chronic. Alexandr. Hebræi arbitrati sunt fuisse Agar, quæ binominis, revocata ex Pharan in Hebron; quod ludicrum: igitur si Abraham duxisset illam, haud diceretur alia & nomine Cetura: Genes. 25. 1. Deinde v. 6. subditur: Dedit Abraham cuncta, quæ possederat, Isaac: filijs autem concubinarum (id est, secundarum uxorum causa prolis) largitus est munera & separavit eos ab Isaac filio suo, dum adhuc ipse viveret, ad plagam orientalem. Ergo duæ fuerunt concubinae, & non una: quo Cetura non potuit esse Agar. Vid. Joseph. 1. Antiq. cap. 16. Petr. Comest. in Genes. cap. 62. Genebr. ann. 2049. Torniel. 2179. n. 2. & Hieronym. in Tradition. Sex ex Cetura suscepit filios (& juxta Josephum, antequam mitteret pro Isaaci conjugem in Mesopotamiam; quod falsum est. Vid. 20. diem, n. 3.) quos deduxit in colonias, ut supr. dicitur. Addit Epiph. in Compend. ad calcem Panarij: Filij Ceturae dona erant pecunia præsentis, aurum & argentum, ac vestitus: & in mysterium conclusit Abraham in peris thus & myrrham & aurum. Ad 6. Maij, n. 4.

Abraham ducit Ceturam.

Non est Agar.

Quæ dona dedit filijs ejus, dum misit in colonias?

Nascitur Joseph.

Diluvium Ogygis.

Portentum singulare.

3 Post annum ab hinc 110. patris verò 91. juxta mentem Genebr. ab orb. condit. 2239. vidit lucem ex Rachele Joseph, qui natus est homo, in gaudium utriusque parentis, decusque familiæ. Eutich. Annal. Alexandr. & Joseph Gorionid. in Histor. Judæic. p. 1. Hac in die cœpit diluvium Ogygis, majus diluvio Deucalionis, ut notat Briet. nosque dicemus 16. Febr. n. 3. Apposui (etiam erga tempus variæ AA. sint sententia, videndæ apud Perer. lib. 13. de Histor. Diluvij, disput. 13. & 14. & in cap. 47. Genes. n. 28. Torniel. ann. 2258. n. 1. & Petav. p. 1. lib. 1. cap. 4. Rationar. tempor. & p. 2. lib. 2. cap. 5.) cum Josephi ortu Diluvium Ogygis, propter insignia quæ ab Ethnicis illo in tempore annotata. In Cælo (ait Augustin. 21. Civ. cap. 8.) mirabile extitit portentum; nam stella Veneris nobilissima, Castor scribit tamen extitisse portentum; ut mutaret colorem, magnitudinem, figuram, cursum: quod factum ita neque antea, neque postea sit. Hoc factum Ogyge Rege. Idem M. Varro de Gente Popul. Rom. Torniel. d. n. 2. & Perer. d. n. 19. disput. 3. Si hæcine vera, Jo-

sephi nascentis præclara signa, respondentis cunctorum expectationi; equidem ejus gesta indicabantur splendore cœlesti. Addit Petr. Comest. in Genes. cap. 76. His temporibus factum est diluvium sub Ogyge Rege. Tunc etiam apud Lacum Triconidem virgo apparuit, quam Græci Minervam dixerunt. Traditur autem, cum per diluvium illud insula Cyclades longo tempore obumbrata fuissent; aquis rarefcentibus prima inter eos Delos Sole illuminata est: & ideo Delos dicta, quod sonat manifestum. De Delo dicemus d. 15. à n. 7. & Isagog. August. n. 8. In illa natalis Apollinis & Dianæ; de quo, 7. April. De Apparitione Virginis, quæ Minerva, dictum die 3.

Virgo aparet.

Delos insula.

Quo tempore erectum idolum Michæ?

Historia Levite de Gader.

4 A nativitate Joseph ann. 339. juxta Briet. postquam in terra Chanaam mortui sunt Josue, Eleazarus, & seniores, sub quorum regimine Israëlita soli Domino servierunt (Judic. 2. 6.) haud post mortem Samsonis, ut placet aliquibus, videndis apud Serar. hic cap. 21. q. 6. sed summo Sacerdote Phinees, ut constat ex cap. 20. v. 28. quo tempore erectum idolum Michæ, ut asserit Philo Bibl. Antiq. Hebr. & dicemus, 22. August. à n. 3. & 14. Sept. n. 2. Levita quidam, nomine Beël duxit uxorem secundariam ex Bethleem Juda; quæ quidem propter zelotypiam, ut cogitat Joseph. 5. Antiq. cap. 2. vel propter dissonam conditionem & jurgia, ut ait R. Salomon, vel quia adultera, timore lapidationis, ut astruit Briet. & Philo loc. cit. fugit ad patrem, ab illo per humanè suscepta. Post 4. menses, quia ob formam eximiam adamabat Levita, quæsit in domo paterna, & satisfactione mutuo data & accepta per socerum reconciliati, reverti decreverunt in montem Ephraim in Gades, seu Gader civitatem, de qua Hieronym. in Loc. Hebr. Joseph. 8. Antiq. cap. 6. Adrich. in Ephraim. n. 46. & Philo, quò dudum. Historiæ verè tempus invertunt Rabini, miserèque nugantur, illud signantes ad lubitum. Vide Talmudistas Tractatib. Thabhenith, & Baba-bathra, cap. 4. & 9.

5 Falluntur planè, quia illa quatuor mensibus retrò, recesserat in domum paternam, ut dicemus 6. Septembr. à n. 2. Hac in die juxta Chronicos ex computatione rectè ordinata ex sacro textu, ut ex historia constabit; Levita præfatus sciens uxorem suam eum fugisse ad parentes in Bethleem, cum illam, quippe eximie speciosa, deperiret, ei reconciliari cupiens, pervenit in loceri domum, ubi filiam degere cognoverat: quò utique amicè susceptus, regièque habitus, reconciliatione facta, & quatruiduo licet in-

Pervenit uxorem suam in Bethleem.

vi-